

✓ Dös Boud an Freidich Oums

Do Freidich is daa schönsta Doud:
Es gett za End a Woch vuol Ploud,
un Gald is in do Tüt'n —
dou is do Mensch zafriedn,
hot mo die Woch sich ougorent
hot mo vodient des Wödnend.

- Doch muß do Öllodouds-Draak erscht rou,
un douzu is es Boudn dou.

Erscht kumma die Kinno nei do Wanna,
do Thoumas, die Eriga, die Majanna,
undes Goblääk gett dords ganze Haus:
erscht wolln sa netrei, noucho ne raus.

Doch wann sa noucho nein Bett gotroudn,
mit frische Hemmla aagouzoudn
un ruata Uhrn un Backla, die drei,
mo dächt net, wor sa fo Lauso könne sei:
su re-ina, müda Bengola
sahn aus wie Weihnachts-Engola...

"Jetzt, Vaddo, kümmt du draa!" —
do Vaddo kümmt
un, wall's in Uofn bluof noch glimmt,

du werd noch 'mol richtig neigolunnet,
äß gleich ne Schlacht drin dunnet.

Umm aufgedraht, unten zugschtöpft
un „Bade-das“ grüü neigotröpft,
dös dampft un schäumt un platscht nei,
do Vatto zieht sich aus dabei.

Erst is' za hääß, kalt leßt do'sch noch,
su viel, äß a'sch doch wärmo noch,
un is grad richtig, dös Gomenig,
du licht' o scho die ganze Leng
im Schaum, daa gett bis an die Uhrn,
als hätt do Kuopf sein Maa volxon.

Schill werd's im Boud, un su muß sei,
bluöß manchmal plitscht a Tröpfle nei,
dös Feuo brennt su langsam rou,
die Kachln laafn Rinnla nou.

Aa merkt, wie in do hääßn Wanna
sich seine Nerven schöi entspanna,
es wäächet im Boud net bluöß do Draak,
die Sorchn schwemma aa mit Wack.

Do Vaddo denkt, un draht sich um:
Wie bring mo schöi dan Sunnamd rüm?

Aa will sei Ando nouchpolier,
 sein Opflwei will o prowier,
 aa denkt an schoina Sunndich früh,
 wuu fohr mo denn za Mittöch hie?
 Aa denkt an Klüöß mit Soup un Braatn-
 amend gib's Gens? amend Rollaadn?

Aa denkt an lauto fina Dinga,
 aa fengt des Pfeufn aa, des Singa,
 Erscht leis, un schpaato immo merra!
 Es hallt im Boud, dou laut's noch serra!

Dou sitzt do Vaddo in do Wanna
 un singt un schmедdot: O Susanna,
 wie ist das Lääben... "körz un gut,
 es klopft: "Ernst! Is do'sch woll net gut?"

Dou daacht'a auf, trücket si'di ou,
 die Tür gett auf: Nu schtett'o dou!
 Aa dampft un glänzt, is häap un re-i...
 is o'sch denn aa? Mo solls net me-i:
 Vom Baart is ke-i Haarla draa gobliem,
 mo schnubbot sei teuosch Herrn-Barfüm..
 Dös kaa ich euch grouch! Un merket's
 euch fei:

Ihr könnt ölla stolz auf'n Vaddo grei!
Doch gabb ich's zu, su gut's na aa schtett.
Ganz wie a Engala sieht o doch nett.

